



KEMENTERIAN PERDAGANGAN DALAM NEGERI
DAN KOS SARA HIDUP

**KERATAN AKHBAR
DAN
BERITA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

3 OGOS 2023 (RABU)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR (KPDN)

3 OGOS 2023 (RABU)

Baja Rahmah bakal diperkenalkan

KUANTAN: Kerajaan melalui Kementerian Perdagangan dalam Negeri dan Kos Sara Hidup (KPDN) akan melancarkan 'Baja Rahmah' di bawah inisiatif Payung Rahmah dalam tempoh terdekat ini bagi membantu golongan petani di seluruh negara yang terkesan ekoran kenaikan harga bahan tersebut.

Timbalan Menteri, Fauziah Salleh berkata, beberapa sesi libat urus berkaitan perkara itu sudah diadakan dengan pemain industri terbabit.

Menurutnya, rundingan bagi mendapatkan pengeluar baja yang dapat membekalkan barangan berkualiti dengan harga terbaik kini di peringkat akhir.

"Inisiatif ini dilaksanakan susulan rungutan daripada golongan petani mendakwa peningkatan harga sayur juga disebabkan dengan harga baja yang semakin mahal.

"Saya sendiri terlibat dalam sesi libat urus dengan syarikat yang boleh mengeluarkan baja yang baik dan mampu milik iaitu baja sawit dan baja campuran. Insya-Allah (sesi) libat urus ini, sampai ke penghujung (di peringkat akhir) tidak lama lagi.

"Selepas semua runding

selesai, kita akan terus lancar baja Rahmah ini, sekali gus dapat mengawal harga sayuran dengan lebih murah," katanya dalam sidang akhbar selepas majlis pelancaran inisiatif Payung Rahmah di Pasar Raya Fresh Choice di Taman Tas di sini semalam.

Pada majlis tersebut, Pantai Selamat Group menyumbangkan 100 Bakul Rahmah mengandungi beras, minyak masak, bihun, makanan dalam tin, minuman berjenama terkenal dan pelbagai barangan keperluan harian bernilai RM100 kepada golongan memerlukan.

KPDN dengan kerjasama Pantai Selamat Group juga melancarkan Pakej Rahmah dengan harga jimat RM55 bagi 15 barangan terpilih bernilai RM70 khusus untuk golongan memerlukan bagi menangani kos sara hidup hingga Oktober ini, manakala Jualan Rahmah membabitkan diskaun sehingga 30 peratus ke atas 24 barangan pula berakhir 4 Ogos ini.

Mengulas lanjut, Fauziah berkata, usaha dilakukan tersebut bagi membantu meringankan beban golongan sasaran khususnya petani dan pekebun kecil di samping meningkatkan pengeluaran tanaman.



Fuziah menunjukkan harga barangan pada pelancaran Inisiatif Payung Rahmah Pantai Selamat Group di Kuantan, semalam. (Foto Astrol Awang/BH)

KPDN perkenal baja Rahmah

Kuantan: Kementerian Perdagangan Dalam Negeri dan Kos Sara Hidup (KPDN) akan memperkenalkan baja Rahmah dalam waktu terdekat sebagai usaha membantu mengurangkan beban petani di negara ini.

Timbalan Menterinya, Fuziah Salleh, berkata pihaknya dalam peringkat rundingan akhir dengan beberapa syarikat berkaitan bagi mengeluarkan baja yang berkualiti pada harga berpatutan.

"Tindakan proaktif ini diambil untuk membantu

mengurangkan beban petani sayur dan sawit dari segi kos penanaman, selain mengelakkan kenaikan harga sayur dan minyak sawit di pasaran," katanya.

Fuziah berkata demikian kepada pemberita selepas melancarkan Inisiatif Payung Rahmah Pantai Selamat Group di Pasar Raya Fresh Choice Taman Tas di sini, semalam, yang turut membabitkan pengagihan 100 bakul Rahmah kepada golongan memerlukan.

Pasar raya itu turut me-

ngadakan jualan Rahmah selama tiga hari bermula semalam.

Selain itu, Fuziah berkata, Jualan Rahmah Bergerak menerusi konsep 'Kedai Cari Rakyat' di Pahang dijadualkan bermula pada bulan ini di kawasan kekurangan pasar raya.

"Kita menyedari ada golongan tiada kenderaan, orang kurang upaya (OKU) dan warga emas yang sukar ke pasar raya menyebabkan kita yang perlu menyantuni mereka dengan cara mencari mereka," katanya. **BERNAMA**

Inisiatif akan dilancar selepas bincang dengan syarikat pengeluar

Baja Rahmah turunkan harga sayur

Oleh NORHAFIZAN ZULKIFLI

KUANTAN – Kementerian Perdagangan Dalam Negeri dan Kos Sara Hidup (KPDN) memperluas inisiatif Payung Rahmah dengan pengeluaran Baja Rahmah sebagai langkah menurunkan harga sayur di pasaran.

Timbalan Menteri KPDN, Fuziah Salleh berkata, inisiatif itu akan dilancar tidak lama lagi yang mana sesi libat urus membabitkan pihak-pihak berkaitan kini dalam proses perbincangan peringkat akhir.

Katanya, beliau sendiri sedang membuat libat urus bersama syarikat yang boleh mengeluarkan baja yang baik dengan harga berpatutan.

"Kita dapat maklumat melalui libat urus, kadang-kadang kita diberitahu harga sayur naik kerana berkait dengan harga baja.

"Jadi saya sendiri sedang buat libat urus dengan syarikat pengeluaran baja yang berkualiti pada harga yang bagus dan inisiatif ini kita namakan sebagai Baja Rahmah," katanya pada sidang akhbar selepas merasmikan Majlis Pelancaran Inisiatif Payung Rahmah Kasih Sayang oleh Pantai Selamat



FUZIAH (dua dari kanan) menyampaikan sumbangan Bakul Rahmah kepada penerima pada Majlis Pelancaran Inisiatif Payung Rahmah Kasih Sayang di Pasar Raya Fresh Choice, Kuantan semalam.

Group di Pasar Raya Fresh Choice di Taman Tas, di sini semalam.

Menurutnya, inisiatif itu diharapkan dapat mengawal harga barang makanan meliputi tanaman

dan sayuran sekali gus membantu meringankan tanggungan kos sara hidup rakyat khususnya golongan B40.

Tambahnya, inisiatif ini juga

diharap dapat membantu nasib golongan pekebun kecil dan petani di samping meningkatkan pengeluaran hasil pertanian.

Ujar Fuziah, inisiatif Jualan Rah-

mah Bergerak menerusi konsep 'Kedai Cari Rakyat' bakal diperluas ke Pahang menjelang September ini khususnya bagi kawasan yang kekurangan pasar raya.

"Sejak dilancarkan di Pulau Pinang pada 16 Jun lalu, KPDN telah melaksanakan lebih 400 Jualan Rahmah Bergerak di seluruh negara.

"Setakat ini sambutan amat memberangsangkan, kalau kita bawa lori 10 tan untuk Jualan Rahmah Bergerak ini, dalam masa tiga jam akan habis, rakyat kini tertunggu-tunggu pula untuk Jualan Rahmah," ujarnya.

Mengenai program semalam, Fuziah memberitahu, KPDN dengan kerjasama Pantai Selamat Group telah melancarkan Paket Rahmah dengan harga jimat RM55 bagi 15 barangan terpilih yang bernilai RM70 khusus untuk golongan yang memerlukan bagi menangani isu kos sara hidup.

"Untuk makluman ayam standard bersih dijual pada harga RM6.39 sekilogram berbanding harga siling iaitu RM9.40 sekilogram, manakala telur ayam gred B pula dijual pada harga RM10 sepapan berbanding harga siling RM12.90 sepapan," katanya.

JBR di 400 lokasi capai sasaran

Kuantan: Sebanyak 400 lokasi sudah dijelajah di seluruh negara menerusi Jualan Bergerak Rahmah (JBR) dalam usaha memberikan inisiatif kepada rakyat khususnya golongan B40.

Timbalan Menteri Perdagangan Dalam Negeri dan Kos Sara Hidup, Fuziah Salleh, setakat ini, matlamat utama membantu golongan sasar B40, termasuk ibu tunggal, orang kurang upaya (OKU) dan warga emas mencapai sasaran.

Katanya, JBR memberi tumpuan di kawasan pedalaman, kampung serta perumahan awam kos rendah dan flat mendapatkan barang keperluan pada harga jualan dengan potongan sehingga 30 peratus.

"JBR ini berkonsepkan 'Kedai Cari Rakyat' yang dilancarkan pada 16 Jun lalu, mendapat sambutan menggalakkan daripada orang ramai yang membabitkan 400 lokasi di seluruh negara setakat ini.

"Selalunya lori 10 tan yang membawa barang keperluan habis dalam



FUZIAH menunjukkan barang keperluan yang dijual pada harga lebih rendah berbanding harga pasaran.

tempoh antara dua dan tiga jam kerana rakyat tertunggu-tunggu program JBR ini.

"Di Pahang, JBR akan dilancarkan sebelum 31 Ogos ini, bagi memberikan kemudahan kepada golongan sasar mendapatkan barang keperluan dengan potongan harga.

"Ini kerana ada pengguna selesa membeli barang keperluan di pasar

raya dan bagi pengguna yang tidak boleh ke premis, mereka dapat membelinya dengan adanya JBR ini," katanya.

Bagi memastikan inisiatif Payung Rahmah terus membantu golongan memerlukan, beliau berkata, KPNDN menggalakkan lebih banyak pemain industri bersama menjayakan aspirasi itu.

Lelaki ditahan cuba seludup barang terkawal

Kuching: Pasukan tentera menahan seorang lelaki dan merampas sebuah lori dengan muatan lebih 2,000 kilogram (kg) beras, 2,000kg gula dan 30 kotak minuman keras serta pelbagai barangan makanan yang cuba diseludup di sempadan Malaysia-Indonesia, dekat Serikin.

Markas Divisyen Pertama Infantri Malaysia (1 Divisyen), dalam satu kenyataan berkata, tangkapan dan rampasan berjumlah lebih RM125,000 termasuk sebuah lori tiga tan dilakukan pasukan tentera ketika menjalankan rondaan di lokasi 100 meter dari sempadan, kira-kira jam 3.30 petang semalam.

Katanya, pihaknya menahan sebuah lori yang cuba memasuki Indonesia menggunakan jalan tidak sah.

"Hasil pemeriksaan mendapati seorang pemandu lori lelaki warga tempatan berusia 52 tahun didapati cuba membawa barang terkawal dari Malaysia ke Indonesia," katanya.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE (KPDN)

3 OGOS 2023 (KHAMIS)

BERITA ONLINE BERTARIKH 3 OGOS 2023

TARIKH	TAJUK	PAUTAN	MEDIA
3-Aug	Baja Rahmah bakal diperkenalkan	https://www.utusan.com.my/berita/2023/08/baja-rahmah-bakal-diperkenalkan/	UM
3-Aug	Baja Rahmah inisiatif turunkan harga sayur	https://www.kosmo.com.my/2023/08/02/baja-rahmah-inisiatif-turunkan-harga-sayur/	KOSMO
3-Aug	Baja Rahmah diperkenal dalam masa terdekat	https://www.bernama.com/bm/news.php?id=2212328	BERNAMA
3-Aug	Baja Rahmah diperkenal dalam masa terdeka	https://www.google.com/amp/s/www.bharian.com.my/amp/berita/nasional/2023/08/1134925/baja-rahmah-diperkenal-dalam-masa-terdekat	BH
3-Aug	Baja Rahmah diperkenal dalam masa terdekat	https://m.malaysiakini.com/news/674114	MALAYSIAKINI
3-Aug	Baja Rahmah diperkenal dalam masa terdekat, kata Fuziah	https://www.themalaysianinsight.com/bahasa/s/455163	THEMALAYSIANINSIGHT
3-Aug	Baja Rahmah diperkenal dalam masa terdekat	https://www.google.com/amp/s/www.astroawani.com/berita-malaysia/baja-rahmah-diperkenal-dalam-masa-terdekat-430931%3famp=1	ASTROAWANI
3-Aug	KPDN bakal perkenal inisiatif Baja Rahmah	https://www.malay.news/kpdn-bakal-perkenal-inisiatif-baja-rahmah/	MALAYNEWS
3-Aug	Jualan Bergerak Rahmah sudah jelajah 400 lokasi	https://www.google.com/amp/s/www.hmetro.com.my/amp/mutakhir/2023/08/994689/jualan-bergerak-rahmah-sudah-jelajah-400-lokasi	HM
3-Aug	Jual RON95 kepada kereta asing pengusaha stesen minyak dikompaun	https://www.utusanborneo.com.my/2023/08/02/jual-ron95-kepada-kereta-asing-pengusaha-stesen-minyak-dikompaun	UMBORNEO
3-Aug	Bintulu petrol station operator issued compound for selling RON95 fuel to a foreign-registered vehicle	https://www.theborneopost.com/2023/08/02/bintulu-petrol-station-operator-compounded-for-selling-ron95-fuel-to-a-foreign-registered-vehicle/	THEBORNEOPOST
3-Aug	KPDN to introduce 'baja rahmah soon	https://www.bernama.com/en/general/news.php?id=2212362	BERNAMA

3-Aug	KPDN bakal perkenal inisiatif Baja Rahmah	https://malaysiagazette.com/2023/08/02/kpdn-bakal-perkenal-inisiatif-baja-rahmah/	MALAYSIAGAZETTE
3-Aug	KPDN to introduce 'baja rahmah soon	https://www.thesundaily.my/local/kpdn-to-introduce-baja-rahmah-soon-AC11316767	THESUNDAILY
3-Aug	KPDN perkenal inisiatif Baja Rahmah	https://berita.rtm.gov.my/index.php/semasa/68544-kpdn-perkenal-inisiatif-baja-rahmah	BERITARTM
3-Aug	Government to introduce Baja Rahmah	https://www.google.com/amp/s/www.nst.com.my/amp/news/government-public-policy/2023/08/937982/government-introduce-baja-rahmah	NST
3-Aug	Penjual buah tular dikompau RM200	https://www.google.com/amp/s/www.sinarharian.com.my/ampArticle/271533	SH
3-Aug	Viral buah murah, peniaga diberi amaran, kompaun RM200	https://suaramerdeka.com.my/viral-buah-murah-peniaga-diberi-amaran-kompaun-rm200/	SUARAMERDEKA